

## ATODLEN 16

### RHYDDHAD GRŴP

#### RHAN 4

#### TYNNU RHYDDHAD YN ÔL

*Ni chaff rhyddhad grŵp ei dynnu'n ôl o ganlyniad i drosglwyddiadau penodol busnes etc. gan gymdeithasau cydfuddiannol*

- 11 (1) Ni chaff rhyddhad grŵp ei dynnu'n ôl o dan baragraff 8—
- pan fo trosglwyddiad perthnasol o fusnes neu ymrwymiad,
  - pan fu trafodiad a ryddheir cyn dyddiad y trosglwyddiad perthnasol, ac
  - o ganlyniad i'r trosglwyddiad hwnnw, pan fo'r prynwr yn y trafodiad a ryddheir yn peidio â bod yn aelod o'r un grŵp â'r gwerthwr—
    - cyn diwedd y cyfnod o 3 blynedd sy'n dechrau â'r dyddiad y mae'r trafodiad a ryddheir yn cael effaith, neu
    - yn unol â threfniadau a wneir cyn diwedd y cyfnod hwnnw, neu mewn cysylltiad â hwy.
- (2) Yn y paragraff hwn, ystyr “trosglwyddiad perthnasol o fusnes neu ymrwymiad” yw—
- trosglwyddiad busnes a ddisgrifir ym mharagraff 10(1)(a) a (b) o Atodlen 22 (trafodiadau yr ymrwymir iddynt gan gymdeithasau adeiladu);
  - trosglwyddiad busnes a ddisgrifir ym mharagraffau 11(1) o'r Atodlen honno (trafodiadau yr ymrwymir iddynt gan gymdeithasau cyfeillgar);
  - trosglwyddiad busnes a ddisgrifir ym mharagraff 12(1) o'r Atodlen honno (trafodiadau yr ymrwymir iddynt gan gymdeithasau cydweithredol a chymdeithasau budd cymunedol neu undebau credyd).